

გუბერნატორის მოადგილე კარაღეთის დევნილთა ჩასახლებაში იმყოფებოდა

29 ივნისი 2015

29 ივნისს შიდა ქართლის გუბერნატორის მოადგილე გურამ მაჭარაშვილი საქართველოს ოკუპირებული ტერიტორიებიდან იძულებით გადაადგილებულ პირთა განსახლებისა და ლტოლვილთა მინისტრ სოზარ სუბართან ერთად კარაღეთის დევნილთა ჩასახლებაში იმყოფებოდა. ხელისუფლების წარმომადგენლებმა ადგილზე კოტეჯების სარეაბილიტაციო სამუშაოებს დაათვალიერეს. დევნილების პრობლემებს ადგილზე ასევე გაეცნენ მინისტრის მოადგილე მამუკა ცოტნიაშვილი და შიდა ქართლის დევნილთა სამმართველოს უფროსი თამაზ გვიმრაძე. მინისტრის ინფორმაციით შემოდგომაზე იგეგმება გორში 460 დევნილი ოჯახისათვის 4 კორპუსის აშენება, რაც ჯამში 8 სადარბაზოიანი ნაგებობის მშენებლობას ითვალისწინებს. სამინისტროს ინფორმაციით, უწყება თიღვის, ერედვისა და ქურთის მუნიციპალიტეტის თანადაფინანსებით 128 კოტეჯის სარეაბილიტაციო სამუშაოებს აწარმოებს. კარაღეთის, სკრის, ხურვალეთისა და თელიანის დევნილთა ჩასახლებებში იატაკის აღდგენა-რეაბილიტაციის სამუშაოები ასევე უახლოეს პერიოდში ჩაუტარდება 124 კოტეჯს.